




AVAZ SAZNAJE Kako je pala najopasnija narkogrupa

Tone skanka u BiH uvezli u cisternama

SIPA ih predala u nadležnost Tužilaštva, koje će tražiti pritvor • Povezani s narkogrupama u regionu



Sva šesterica narkodilera uhapšenih u prekučerašnjoj akciji **Državne agencije za istrage i zaštitu (SIPA)** "Sky", koja se odnosi na suzbijanje trgovine drogom, predata su jučer u nadležnost Tužilaštva BiH.

Ovu informaciju potvrdio je za "Avaz" Luka Miladinović, viši inspektor **SIPA**-e.

Presječen lanac

Kako smo ekskluzivno i objavili, **SIPA** je šest osoba, od čega četvoricu državljanu BiH i dvojicu Hrvatske, uhapsila na području Mostara, Kiseljaka, Stoca i Travnika. Oduzete su i tri tone skanka i

Velika zapljena novca

Koliko je ova grupa ozbiljna, govori i podatak o velikoj zapljeni novca.

Pronađenih 500.000 KM (250.000 eura) ta-

zapljenjeno 250.000 eura, a sumnja se da je ova grupa prometovala sedam tona skanka i spida.

SIPA je ovom akcijom i najvećom zapljenom droge u BiH, presjekla lanac trgovine narkoticima iz Albanije preko Crne Gore u BiH, a zatim Hrvatske i Evropske unije (EU).

Uhapšeni su Ivica Antunović i Nikica Bošković u Stocu, Ivan Cvijanović u

koder je među do sada najvećom zapljenom novca od prodaje narkotika. No, oduzeti su i automobili i mobiteli, brojni računari.

Kiseljaku, Borislav Kovačević u Trebinju te Jurica i Mario Veletić. Svi oni važe za vođe. **SIPA** ih je mjesecima pratila i otkrila uz pomoć OSA-e.

Tužilaštvo će za njih, kako nam je nezvanično rečeno, tražiti jednomjesečni pritvor.

Izvori iz Tužilaštva BiH tvrde za naš list da je ovo jedna od najopasnijih narkogrupa u BiH.

Hapšenja su povezana s narkokartelom iz regiona koji važi za jedan od najjačih u trgovini skankom i spidom.

Dnevnik dilera

Saznajemo da su tone droge uvozili cisternama u BiH, o čemu svjedoči i akcija **SIPA**-e prije mjesec dana, kada je u Gornjem Vakufu uhapšen Anto Sićaja, vlasnik benzinskih pumpi. Kod njega su pronađeni dnevnik i kriptovani mobilni telefon.

- Sve ranije akcije koje su rađene povezane su s ovom grupom. Ovo su sada najopasniji igrači - kaže naš izvor.

M. AŠČIĆ